

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat (Akitsuut qaffagiartuaartoq)

§ 1.

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, kingullermik Inatsisartut inatsisaatigut nr. 3, 21. maj 2002-meersukkut allanngortinneqartumi, makku allannguutigittinneqarput:

1. § 4 ima oqaasertaqassaaq:

"§ 4. Akitsuusigassat procentimik §§-it 2 imaluunniit 3 naapertorlugit, aallaavillu qaffagiartuaartoq tunngavigalugu naatsorsorneqarsimasumik akitsuuserneqassapput.

Imm. 2. Raajat akitsuusigassat, umiarsuit Kalaallit Nunaanni nalunaarsorneqarsimasut atorlugit pisinartut kvartalini kingullerni sisamani tunineqarneranni agguaqatigiissillugu kiilumut akiat tunngavigalugu aallaavissaq naatsorsorneqassaaq, tassa tunisinermi aki agguaqatigiissillugu kiilumut 13,00 kr.-niusoq aallaavissatut 100,00-imut angissusilerlugu. Tunisinermi akip 13,00 kr.-iniit ørimik ataatsimik annerulerni tamaasa aallaavissaq aaqqiivigineqartassaaq.

Imm. 3. Aallaavissaq 100,0769-inngorpat akitsuut 0,01 pct.-imut angissusilerneqassaaq, aallaavissallu 0,0769 procentpoint-imik qaffanneri tamaasa 0,01 pct.-imik qaffattassalluni. Aallaavissaq 100,00-iuppat taassumangaluunniit mikineruppat akitsuummik akiliisoqassanngilaq.

Imm. 4. Aallaavissaq 446,1538-ppat, tassa tunisinermi akip agguaqatigiissillugu kiilumut 58,00 kr.-nippalingatut, taassumangaluunniit angineruppat, taava akitsuut anginerulerani 45,00 pct.-iussaaq.

Imm. 5. Aallaavissaq kvartalini qaammatit qiterlersaasa 15-ianni tamatigut aaqqiivigineqartassaaq, kvartalimilu tulliuttumi tunisanut tamanut atuuttassalluni.

Imm. 6. Ukioq akitsuuteqarfusoq tassaavoq qaammatisiutit malillugit ukioq."

2. § 5, *imm. 1*-imi oqaatsip "akilerneqarnissaasa" kingornanut ilanngunneqassaaq:

"kiisalu aallaavissap naatsorsorneqarnissaata".

§ 2.

Inatsisartut inatsisaat atortuulissaaq ulloq 1. januar 2004.

Hans Enoksen

/

Josef Motzfeldt

Ilanngussaq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut